

201
A
Alisher Navoiy
nomidagi
O'zbekiston MK

25-may kuni respublikamizdagi barcha umumta'lim maktablarida «Qadrdon maktabimiz bag'rida o'qib-o'rganish, doimo izlanish, yangilikka, taraqqiyot cho'qqilarini egallashga intilib yashaymiz!» shiori ostida o'quv yili yakunlariga bag'ishlangan tantanali saflanish tadbirlari bo'lib o'tdi.



Vatan yagonadir,
Vatan bittadir!

N:22 (67187)
2018-yil 28-may

Tong yulduzi

www.tongyulduzi.uz

Gazeta 1929-yil 1-avgustdan chiqa boshlagan O'zbekiston Respublikasi bolalar va o'smirlar gazetasi ISSN - 2010-6092

Uyingizga oftob oling, Bittagina kitob oling...



- Kitob bayrami doirasida o'tkazilgan so'rovnomalarda faol ishtirok etganimiz uchun bizga «Tong yulduzi» gazetasining yangi sonlari va badiiy kitoblarni sovg'a qilindi, - deydi Angren shahridagi 4-umumta'lim maktabi o'quvchilari.

3-bet

SH. MAXMADIYEVNING SURATLARI

Dunyoda eng katta boylik –
yoshlikda olingan bilim va
egallangan kasb-hunardir.

Shavkat MIRZIYOYEV

ONA VATAN MADHI

Poytaxtimizdagi 300-DIUM boshlang'ich sinf o'qituvchisi Tamara Ahmedova tajribali pedagog sifatida ko'pchilikning mehrini qozongan. Ustoz yosh shogirdlariga turli fanlardan bilim berish bilan birga, ular qalbida Vatan, ona tabiatga mehr uyg'otish yo'lida turli tadbirlar o'tkazishni yaxshi an'anaga aylantirgan.



Tajribali muallima tomonidan tashkil etilgan 4-sinf o'quvchilari ishtirokidagi «Ona Vatan madhi» mavzusidagi kechani kuzatarkanman, murg'ak qalblardagi ezgulikka bo'lgan intilishni ko'rib, behad quvondim.

– Har bir tadbirga bolajonlar bilan uzoq tayyorgarlik ko'ramiz. Qachonki, ular o'qiyotgan she'rlari, qilayotgan ishlarini chin dildan his qila olganlaridagina, mehnatimiz samarasini namoyon etishga harakat qilamiz. Vatanni sevish lozimligini bolajonlar qalbiga bugundan boshlab singdirishimiz lozim. Shundagina ko'zlagan maqsadlarimizga erishamiz, – deydi ustoz T. Ahmedova.

Bolajonlar kuy-qo'shiq va sahna ko'rinishlari orqali yurtga bo'lgan mehrlarini namoyon etdi.

Yusuf ABDULLAYEV

Poytaxtimizning Sergeli tumanidagi 6-davlat ixtisoslashtirilgan umumta'lim maktabida

«KITOBIM – OFTOBIM»

nomli tadbir bo'lib o'tdi.

Tadbirda yoshlarni mutolaa madaniyatini shakllantirish, kitobga mehr uyg'otish kabi ustuvor maqsadlarga alohida e'tibor qaratildi. Kechada faol ishtirok etgan 3-«Z» sinf o'quvchilari kitobxonlik to'g'risida ibratli naqlar, she'rlar, taniqli insonlarning fikrlarini aytib o'tdi. Badiiy asarlardan sahna ko'rinishlari namoyish etildi.



O'quvchilar, o'qituvchilar va ota-onalar o'zlari keltirgan kitoblarni maktab kutubxonasiga sovg'a qildi. Quvonarlisi, shu kuni ushbu ziyo maskani 200 ga yaqin badiiy adabiyotlar bilan boyidi.

– Kitob o'qishni juda yaxshi ko'raman, – deydi 3-«Z» sinf o'quvchisi Nigora Ismoilova. – Kitob bizning chin do'stimizdir. Kelajakda o'zimni katta kutubxonam bo'lishini orzu qilaman.

Shuningdek, tadbirda o'zbek milliy kuy-qo'shiqlari va raqslar ijro etildi.

Nodira ZIYAYEVA,
boshlang'ich sinf o'qituvchisi

Tong yulduzi

Aziz o'quvchilar! Ota-onangiz, ustozlaringiz qatori butun xalqimizning orzusi sizni kelajakda ma'naviyatli, bilimli inson sifatida yurt taraqqiyotiga munosib hissa qo'shishingizni ko'rishdir. Buning uchun esa sizga ozgina yo'l-yo'riq, rag'bat kerak, shundaymi?! Bu borada Respublika Ma'naviyat va ma'rifat markazi faollari sizga yaqindan ko'mak beradi. Hatto, o'quv dargohingizda bo'lib, o'quvchilar bilan yuzma-yuz suhbatlashadi.

O'QUVCHILAR YURT FAXRIGA AYLANADI

Markazning navbatdagi tadbiri poytaxtimizning Shayxontohur tumanidagi 34-umumta'lim maktabi o'quvchilari ishtirokida tashkil etildi. «Ma'rifatli yoshlar – millat faxri» mavzusidagi uchrashuvda Muqimiy nomidagi musiqali drama teatri aktyori Umid Shodmonov ham ishtirok etdi. Suhbat davomida mehmonlar o'quvchilarga bugun yurtimiz bayrog'ini baland ko'tarayotgan yoshlarimizga havas qilib, ular-



ga ergashish kerakligini ta'kidladi. Shunda ta'lim maskanining 7-sinf o'quvchisi Shahzoda Ortiqova maktabida iqtidorli va iste'dodli tengdoshlari talaygina ekanligi haqida so'zlab berdi. Tadbir yakunida barcha yigit-qizlar kelajakda yurt faxriga aylanishga va'da berdi. Shuningdek, o'quvchilarga turli kitoblar va gazeta-jurnallar sovg'a qilindi.

Sayyora QODIROVA



Yak-katut qishlog'i – Toshkent viloyatining so'lim Bo'stonliq tumanida joylashgan. Qishloqdagi mo'jazgina 39-umumta'lim maktabi 2015-yil qayta qurilib, foydalanishga topshirilgan. O'quv dargohiga o'n sakkiz yildan buyon Baxtiyor Sulaymonov rahbarlik qilib keladi.

A'LOCHI QIZ SHODIYA

Bugun sizga maktabning eng a'lochi o'quvchilaridan biri haqida hikoya qilmoqchimiz. 9-sinfda ta'lim olayotgan Shodiya Ubaydullayeva bir necha yildirki, geografiya fanidan «Bilimlar bellashu-

vi»da qatnashib, yuqori natijalarni qo'lga kiritib kelmoqda. Joriy o'quv yilida u mazkur fanand olimpiadaning viloyat bosqichida muvaffaqiyatli ishtirok etdi. Tanlovning birinchi bosqichida 50 balli amaliy ish bo'yicha 48 ball to'pladi.

– Olimpiada murosasiz tarzda kechdi. Xuddi ustozimiz darsni qiziqarli o'yinlar asosida tashkillashtirgani kabi hay'at a'zolari ham har bir ishtirokchini ruhan qo'llab-quvvatlab turdi, – deydi Shodiya. – Hattoki, menga telefon raqamlarini ham berishdi. Endi men istagan vaqtda geografiyaga oid jumboqli savollar, tushunilishi qiyin terminlar yuzasidan ularga murojaat qilishim mumkin.

– Shodiya nafaqat a'lochi, balki maktabda o'tkaziladigan tadbirlarda yaxshi tashkilotchi hamdir. U boshchiligidagi maktab sinf sardorlari kengashi a'zolari «Eng faol sinf sardorlari kengashi» ko'rik-tanlovining tuman bosqichida g'oliblikni qo'lga kiritib, kompyuter jamlanmasi bilan taqdirlandi, – deydi ta'lim muassasasining yoshlar ittifoqi tashkiloti raisi Nigina Tadjiddinova.

Shodiya Ubaydullayeva kelajakda Toshkent pediatriya tibbiyot institutiga o'qishga kirib, yetuk bolalar shifokori bo'lmoqchi. Buning uchun hozirdanoq harakatni boshlab yuborgan. Qanday qilib deysizmi? Albatta, izlanib, o'qib-o'rganib-da. Hatto sohaga oid ko'plab kitoblarni ham mutolaa qilmoqda. Bunda unga akasi Xurshid yaqindan yordam bermoqda. Biz ham izlanuvchan tengdoshingizga muvaffaqiyatlar tilab qolamiz.

Feruza ABDUSAMAD qizi

Uyingizga oftob oling, Bittagina kitob oling...

Shu yilning 24-25-may kunlari Qoraqalpog'iston Respublikasi va viloyatlar markazlari hamda Toshkent shahrida «Kitobxonlik madaniyatini yuksaltirish buyuk maqsadlarimizga erishishning muhim kafolatidir» shiori ostida Respublika kitob bayrami o'tkazildi.

O'zbekiston Matbuot va axborot agentligi, Xalq ta'limi vazirligi va boshqa qator tashkilotlar hamkorligida bo'lib o'tgan Respublika kitob bayrami poytaxtimiz markazi – Sayilgoh ko'chasidan boshlandi. Unda yurtimizda faoliyat yuritayotgan 100 dan ziyod nashriyot va ijodiy uylari, matbaa korxonalari hamda kitob savdosi tashkilotlari tomonidan kitob va kitob mahsulotlari ko'rgazmalari tashkil etildi. Shuningdek, shoir va yozuvchilar,

yosh ijodkorlar bilan bo'lgan adabiy uchrashuvlar bayram ishtirokchilariga olam-olam zavq ulashdi. Ayniqsa, «Eng yaxshi kitobxon», «Yosh kitobxon», «Kitob o'qishni yoqtirasizmi?» mavzusidagi ijtimoiy so'rovlar, «Eng faol ishtirokchi» kabi nominatsiyalarda yosh kitobxonlarning faolligi kuzatildi.

«Tong yulduzi» gazetasi ham Yunusobod tumanidagi 274-umumta'lim maktabining 8-«A» sinf o'quvchisi Maftuna Mahmudovani «Eng yaxshi kitobxon», uning ustosi Mahmuda Valiyevani esa «Eng ma'rifatparvar

**Tunda talpinganga mohtob kerakdir,
Kunday kulay desang, kitob kerakdir.**

targ'ibotchi ustoz» faxriy yorlig'i bilan rag'batlantirdi. Ushbu yorliqni O'zbekiston xalq shoiri Anvar Obidjon qo'lidan qabul qilish Maftuna hamda ustosi Mahmuda opani yanada zavqlantirdi.

Shuningdek, shoir va yozuvchilarimizning ham yangi nashrdan chiqqan kitoblari taqdimoti bo'lib o'tdi. Jumladan, Difuza Shomalikovaning «O'zbekiston» NMIUda chop etilgan «Tuproq o'ynayotgan bola» kitobi yuzasidan berilgan savol-javoblar davraga quvnoqlik olib kirdi. Muallif angrenlik o'quvchilarning ushbu kitob nomi haqidagi savoliga quyidagicha javob berdi:

– Vatani tuprog'i aziz. Ota-bobolarimizning muqaddas xoki u. Tuproq o'ynayotgan bola o'z ajdodlarining ruhiy saboqlari bilan g'oyibona suhbatlashadi, kuch oladi, quvvatga to'ladi. Shu kuch bilan Vatanga munosib farzand bo'lib kamolga yetadi.

Shunday ekan, O'zbekiston xalq shoiri Sirojiddin Sayyid ta'kidlaganidek:

**Uyingizga oftob oling,
Bittagina kitob oling...**



Anvar OBIDJON, O'zbekiston xalq shoiri:

– Kitob bayrami ushbu sayilgohda o'tayotgani menga juda manzur bo'ldi. Sababi, bu ko'chalarda avval ijodkor do'stlarimiz bilan yangi mavzular haqida suhbat qarardik. Mana, yillar o'tib, yana ushbu sayilgohda ular bilan uchrashganimdan xursandman. Bir chekkadan nazar tashlab, bolalarning «Tong yulduzi» gazetasi, «G'uncha», «Gulxan» jurnallari oldida yig'ilishib turganlari, ularning qadrdon o'quvchilari ekanligidan dalolat beradi. Albatta, gazeta, jurnallar kitobxonlarni yetishtiradi, bolalarda mutolaaga bo'lgan qiziqishni orttiradi, ularni kitobxon qilib tarbiyalaydi. Shunday bayramlar ko'proq o'tkazilsa, o'quvchilar yangi asarlar, yangi nashrlar bilan yaqindan tanishadilar.



**Xudoyberdi TO'XTABOYEV,
O'zbekiston xalq yozuvchisi:**
– Durdoni asarlar yaratish mumkin bo'lgan zamonda yashayapmiz. Ularni Yevropaga ham olib chiqib, bu orqali o'zbek adabiyotini dunyoga tanitaylik.



**Zilola JO'RAYEVA,
Sergeli tumanidagi 317-umumta'lim maktabining 5-«V» sinf o'quvchisi:**

– Bo'sh vaqtimda asosan sport bilan shug'ullanaman. Ammo, kitob o'qish jon-u dilim. Bayramga onam bilan keldim. Kitoblar xarid qilib, turli viktorinalarda ishtirok etdim.

Muxlisa ABDUQODIROVA, Toshkent viloyati, Angren shahridagi 4-umumta'lim maktabining 8-«A» sinf o'quvchisi:
– Biz har yili shu bayramda ishtirok etamiz. Sevimli yozuvchilarimizning qo'llaridan kitob olib, yuzma-yuz ko'rishamiz. Shoir Nodir Jonuzoq bilan bo'lgan suhbat menga juda yoqdi. Tadbirda she'r ham aytib berdim:

Qo'limga «Tong yulduzi»,
Menman uning muxlisi.
Har sahifa qadrdon,
Yangilik olamjahon.

Doim qiziqish bilan
Gazetani o'qiyman.
Do'stlarga havas qilib,
Yangi she'rlar to'qiyman.

Omina HAMIDUL-LAYEVA, poytaxtimizning Oimazor tumanidagi 219-umumta'lim maktabining 4-«A» sinf o'quvchisi:
– Oynayi jahon orqali ushbu tadbir haqidagi reklamani ko'rib qoldim. Mohira buvijonimdan tezroq ushbu bayramga olib borishlarini so'radim. Ikkimiz bugun o'zimizga qiziq bo'lgan yangi asarlarni xarid qildik. Ular menga Jahon xalq ertaklaridan «Donishmand vazir» kitobini olib berdilar. Bu bayramga kelganimdan juda xursandman.

Bayramda Anvar ukasi Akbarga o'zi yoqtirgan kitobni sovg'a qildi.

O'z shogirdlarida mehnatdan zavqlanish
xislatlarini uyg'ota bilgan muallim
sharaflarga munosib.

Tong
yulduzi

Maktabimiz xalq amaliy san'atiga ixtisoslashgan. Bu yerda qizlar zardo'zlik, tikuvchilik, to'quvchilik kabi hunarlarni puxta o'rgansa, o'g'il bolalar yog'och o'ymakorligi, tasviriy san'at sirlaridan boxabar bo'ladilar. Xalqning ma'naviy ilbizlaridan uzilmagan holda ta'lim-tarbiya berilayotgan shunday ma'naviyat maskanida o'nlab fidoyi, tajribali ustozlar bilan bir safda faoliyat yuritayotganimdan hamda bu bilan buyuk kelajakni yaratishdek savobli ishga munosib hissa qo'shayotganimdan baxtiyorman.

ISHTIROKIMDAN MAMNUNMAN

Bilim maskanimizda O'zXDP tuman bo'limi, «Ziyo» mahalla fuqarolar yig'ini bilan hamkorlikda turli ma'naviy-ma'rifiy tadbirlar tashkil etiladi. O'quvchilar o'z sinf rahbarlari bilan turli muzeylar, teatr tomoshalariga borib, u yerlarda xalqimizning boy madaniy merosi, tarixini o'rganishadi. Bu kabi ezgu ishlar orqali o'g'il-qizlar qalbida milliy urf-odatlarimizga muhabbat, san'atga mehr, madaniy yodgorliklarimizga hurmat tuyg'usi shakllanmoqda.

Yaqinda o'zim rahbarlik qilayotgan 3-«E» sinfini O'zbekiston tarixi Davlat muzeyiga sayohatga olib bordim. Bu yerdagi buyumlar, o'tmishimizga oid qimmatli ma'lumotlar, ayniqsa, o'zbek xalqining faxriga aylangan Islom Karimov hayoti hamda faoliyatiga oid ma'lumotlar o'quvchilarda katta taassurot qoldirdi.

Gulidaxon MAVLONOVA,
poytaxtimizning Olmazor tumanidagi 326-umumta'lim maktabining
boshlang'ich sinf o'qituvchisi

HUSNIDDINDAN O'RNAK OLING

Mamlakatimizda uyda yakka tartibda ta'lim olayotgan o'quvchi-yoshlarga ham tengdoshlari qatori erkin bilim olishlari uchun barcha imkoniyatlar yaratilmoqda.



9-«D» sinf o'quvchisi Husniddin Bozorov uyda yakka tartibda ta'lim olsa-da, tirishqoqligi, ilmga chanqoqligi va samimiyligi uchun barchaning hurmatini qozongan. U darsdan bo'sh vaqtlarida muassasamiz oldidagi 11-musiq va sa'natga ixtisoslashtirilgan maktabda «Yog'och o'ymakorligi» to'garak mashg'ulotlarida faol ishtirok etib kelmoqda. Husniddinning oila a'zolari va ustozlari qo'lga kiritayotgan yutuqlardan benihoya mamnun. O'quvchilarimiz orasida irodali, Vatanga muhabbatli, ilmga tashna, mehnatkash yoshlarimiz borligi bizni behad quvontiradi. Ishonamizki, kelajakda u yurtimiz ravnaqiga o'z hissasini qo'shadigan baxtiyor yoshlar safida bo'ladi.

Mehrino JAMOLOVA,
Buxoro viloyati, G'ijduvon tumanidagi 43-umumta'lim maktabining
amaliyotchi psixologi

4-«B» G'OLIB

O'tkir Hoshimov «Kitob shubhasiz, sakkizinchi mo'jizadir», deganda haq edi. Chunki har birimiz kitob orqali xat-savodimizni chiqaramiz, dunyoni taniymiz, tafakkurimizni o'stiramiz.

Yaqinda maktabimizda «Yosh kitobxon» tanlovi tashkil etildi. 3-4-sinf o'quvchilari o'rtasida o'tkazilgan bellashuvda bolalar o'zlari o'qigan asarlari yuzasidan «Men sevgan qahramon» mavzusida insho yozdi. Shuningdek, «Men yod olgan she'rlar» mavzusida she'r yod olib, «Maqollar zanjiri» shartida maqollar aytdilar. «Yosh aktyor» shartida esa qatnashchilar o'qigan asarlarini sahna ko'rinishi orqali namoyish etdi.

Yakunda 4-«B» sinf o'quvchilari bir ovozdan g'olib deb topildi. Ularga tadbir tashkilotchilari tomonidan kitoblar sovg'a qilindi.

Sanam HAYITOVA,
Navoiy viloyati, Qiziltepa tumanidagi 8-umumta'lim maktabining
boshlang'ich ta'lim o'qituvchisi

KASBIM - FAXRIM

Maktabimizning 9-sinf o'quvchi-qizlari o'rtasida «Kasbim - faxrim» mavzusida tanlov tashkillashtirildi.

Mazkur tadbirda qizlar jamoasi 5 ta shart bo'yicha o'z mahoratlarini sinovdan o'tkazdi. 1-shartda ular badiiy chiqish orqali sinf, jamoalari va tanlagan kasblari haqida ma'lumot berishdi. Keyingi «Intellektual ring» shartida ishtirokchilar ijtimoiy, siyosiy, ma'rifiy mavzudagi va yoshlar ittifoqi hamda maktabda tashkil etilgan «Qizlarjon» klubi faoliyatiga oid savollarga javob berdi. «Kasbim-faxrim» sharti esa ma'lum bir kasbni sahna ko'rinishi orqali namoyish etishga asoslandi. Erkin mavzudagi chiqishlari orqali qizlar ijodiy qobiliyatlarini, qo'l mehnatiga oid iste'dodlarini namoyish etdi. Qatnashchilarning qanchalik pazanda ekanliklari esa «Pazanda qizlarjon» shartida bilindi.

Ana shunday rang-barang va maroqli o'tgan tanlov barchaga xushkayfiyat ulashdi.

Nilufar HAYDAROVA,
Qashqadaryo viloyati, Qarshi shahridagi 1-DIUM mehnat fani o'qituvchisi

MA'NAVIYAT BAYRAMI

Toshkent viloyati, Toshkent tumanidagi 3-umumta'lim maktabida «Kitob marafoni» tashkil etildi.

Tadbirga O'zbekiston Respublikasida xizmat ko'rsatgan xalq ta'limi xodimi, O'zbekiston Yozuvchilar uyushmasi a'zosi Muhayyo opa To'laganova, yangiyo'llik taniqli shoirlar - Erkin Akromov, Sobira Normatova, pedagog Gulnora opa To'laganova'lar tashrif buyurdi.

Dastlab, Muhayyo opa hozirgi zamon yoshlarining kitobga, adabiyotga bo'lgan mehri, dunyoqarashi haqida so'z yuritdi. O'quvchilar bir qancha she'rlarni yoddan aytib, kechaga yanada fayz kiritdi. Aziza Zulfizarova, Zilola Komiljonova kabi faol o'quvchilar o'zlarini qiziqtirgan savollarga ustozlaridan atroflicha javob oldi.

- Ko'p o'qigan insonning tili ravon, hozirjavob, bilimdon bo'ladi. Ular bo'sh vaqtlarini behuda o'tkazmasdan, kitob mutolaa qiladi, - deydi Muhayyo opa.

Tadbir barchada katta taassurot qoldirdi.

Muzaffar AHMEDOV

HUNARLI KISHI XOR BO'LMAS

Yaqinda yakunlangan texnologiya fani oyligida maktab o'quvchilari faol qatnashdi. Fanga oid to'garak xonalari hunar o'rganishni ixtiyor etgan qizlar bilan gavjum bo'ldi. Ayniqsa, maktabning 7-«A» sinf o'quvchilari - Lobar Isroilova, Odina Sodiqova, Umida Adixanovalar oylik doirasida boshqa o'quvchilarga namuna bo'ldi. «Qizlar davrasida», «Mohir qo'llar» singari bellashuvlarda qizlar o'zlarining epchilligi, chaqqonligi va iqtidorini namoyish etdi. Ta'til kunlari ham ular jonajon maktablari quchog'ida tashkil etiladigan oromgohda hunar o'rganishni maqsad qilgan. Biz ustozlar esa, albatta, bundan mamnunmiz.



Xonzoda ODILOVA,
Toshkent viloyati, Parkent tumanidagi
35-umumta'lim maktabining texnologiya fani o'qituvchisi

Tengdoshlari orasida ijodkorligi bilan ajralib turuvchi Aziza Zulfiqorova Toshkent viloyati, Toshkent tumanidagi 3-umumta'lim maktabining 3-«A» sinfida a'lo baholarga o'qiydi.

DUGONALAR HAVASDA

Azizaga barcha sinfdoshlari havas bilan qaraydi. U ko'p kitob mutolaa qiladi, sevgan erak qahramonlarining chiroyli rasmlarini chizadi. Yosh iqtidor egasining aytishicha, avvaliga uni ota-onasi san'at to'garagiga olib borgan, ammo qizchani sportga mehri ustun kelib, karate bilan shug'ullana boshlagan. Ayni paytda, tengdoshingiz murabbiy Mirsobot Ziyotov qo'l ostida sport sir-asrorlarini qunt bilan o'zlashtirmoqda.

Aziza shu yili viloyat miqyosida o'tkazilgan yirik musobaqada 2 ta oldin, Keles shahrida bo'lgan turnirda esa kumush medalni qo'lga kiritdi. Qolaversa, u tuman va viloyat ochiq birinchiliklarida ham turli medallarga sazovor bo'ldi.

Aziza sinf rahbari Dilfuza Ziyomammedova ko'magida turli hikoya va erak kitoblarini mutolaa qilishni yoqtiradi. Dugonalari Maktuba va Dilshoda bilan o'qigan asarlari yuzasidan o'zaro fikr almashadi. Shuningdek,

yaqin dugonalari bilan rassomlik va rus tili to'garaklariga qatnaydi. Azizaning chizgan rasmlari Toshkent viloyat «Barkamol avlod» bolalar markazida o'tkazilgan tanlovda yuqori baholanib, faxriy yorliq bilan mukofotlangan.

Buvisi Anifa aya nevaralariga orastalik, odob-ahloq haqida ko'p tavsiyalar beradi. «Tarbiya, eng avvalo, ostonadan boshlanadi. O'zi yashab turgan xonadonni orasta saqlagan qiz, yurtini ham obod qiladi», deydi ular.

– Buvijonim men tahsil oladigan ta'lim maskanida o'quv ishlari bo'yicha direktor o'rinbosari bo'lib ishlaydi. Maktabdagi yumushlari ko'pligiga qaramay, biz nabiralari uchun, albatta, vaqt topadi. Ular bilan birga uy vazifalarini tayyorlaymiz, qiziqarli erak va badiiy kitoblar mutolaa qilamiz. So'ng taassurotlarimizni ularga so'zlab beramiz, – deydi Aziza.

Sportchi, rassom, kitobxon tengdoshingizga yuksak parvozlar tilaymiz.



Manzura UBAYDULLAYEVA

«TONG YULDUZI» DAN MINNATDORMAN

Sevimli gazetamga obuna bo'lganimdan buyon undagi turli maqola va hikoyalarni muntazam o'qib bormoqdaman.

Menga ayniqsa, «Ingliz tilini o'rganamiz» sahifasidagi «Funny English» va «Useful English» kabi test va topshiriqlarni yechish zavq bag'ishlaydi. Qizlar uchun qiziqarli va foydali bo'lgan «Pazanda qizga» rukni ham juda yoqadi. Ushbu sahifada berilayotgan turli taom va pishiriqlarni o'zim ham tayyorlayapman. Bizni ijodkorlikka chorlab barkamol inson qilib tarbiyalayotgan sevimli gazetamga minnatdorlik bildiraman.

Shahzoda SAYDULLAYEVA,
Navoiy viloyati, Zarafshon shahridagi
12-umumta'lim maktabining 7-«A» sinf o'quvchisi

QIZLAR SAMMITI

Toshkent shahrida ilk bor 200 nafardan ziyod qizlar ishtirokida «O'quvchi qizlar sammiti» bo'lib o'tganidan xabaringiz bo'lsa kerak.

Ushbu tadbirda tumanimizdagi 27-umumta'lim maktabining 10-sinf o'quvchisi Laylo opa san'at va ijod yo'nalishida chizgan libos eskizlari bilan ishtirok etdi. U qo'lga kiritgan sertifikatni ko'rib, Laylo opaga rosa havasim keldi. So'ng men ham Nukus shahri, «Progress» ta'lim markazida bo'lib o'tgan «Respublika o'quvchi-qizlar sammiti»da «Media jurnalistika» yo'nalishi bo'yicha qatnashdim. O'z chiqishimda ekologik muammolar mavzusini ochib berishga harakat qildim. Yakunda Qoraqalpog'iston Respublikasi Xalq ta'limi vazirligi tomonidan «Eng yaxshi ijodkorlik ishi» nominatsiyasida diplom bilan taqdirlandim. Ta'lim maskanida o'tkazilgan tadbirda taniqli jurnalistlar Lazzet opa Berdimuratova va Lola opa Qallixanovalar bizga mahorat darslarini o'tdi. Sammitdan bir olam taassurot bilan ortga qaytar ekanmiz, bunday tadbirni tumanimizda ham o'tkazishni rejalashtirdik.


Go'zal REYIMBOYEVA,
Qoraqalpog'iston Respublikasi, To'rtko'l tumanidagi
19-umumta'lim maktabining 9-«A» sinf o'quvchisi



Lesson 22

Everyone knows that for pupils favourite season of the year is summer. Because they may free from school. Not only from school but also from homework, from teachers, and lesson. Now, we show you some school idioms.

Painter: Yosubbek HANIMBEKOV



Read the idioms and try to make up the sentences.

As easy as ABC – very easy to understand.

Bookworm – your friend who likes to read a lot.

Copycat – you may use this idiom when your schoolmate copies the work of another person.

Drop out of school – to stop going to school.

Flunk out – to fail a course.


Teacher's pet – you may use this idiom if your teacher praises to you.

On May 25 is last day of school and we call this day drop out of school. During my summer holiday I like to read interesting books. My friend Aziz also bookworm boy like me. His favourite subject is math...

SYNONYMS

Write the suitable synonyms.

Significant, bizarre, inelegant, strange, devoted, rapid, dedicated, weird, swift, eventful, speedy, meaningful.




Dinora ABDULLAJONOVA

4 PICTURES IN A WORD

What is similarity among the pictures?



Technics



Ma'mura G'ULOMOVA

**Bilimsizlik bilan ishga kirishsang,
Foydasi bo'lmaydi, qancha tirishsang!**

**Tong
yulduzi**

ILHOMIM JO'SHADI

Men tumanimizdagi «Barkamol avlod» bolalar ijodiyot markazidagi «Qaldirg'och» to'garagi a'zosiman. Ustozimiz Xosiyat opa bizga qunt bilan ijod sirlarini o'rgatib kelmoqda. Men gazeta-jurnal va kitob o'qishga qiziqaman. O'zim ham ustozim ko'magida she'r va maqolalar yozib turaman. Quyida sizlarga «Bobodehqon» nomli she'rimni ilindim.



Sahar mardon uyg'onib,
Shoshar dalasi tomon.
Mehnat qilib tolmayin,
Yetishtirar paxta, don.

Xalqimga rizq ulashib,
Qut-baraka tilagay.
Saxiy bobodehqonim,
Qadrin el-u yurt bilgay.

**Xurshidabonu TURG'UNBOYEVA,
Andijon viloyati, Jalaquduq tumanidagi
30-umumta'lim maktabining 7-sinf o'quvchisi**

VATAN QADRI

Vatani bor elning
baxti beqiyos,
Ul inson osmonda qiladi
parvoz.
Yurtim deya yashaydi,
yonib-kuyadi,
Eng oliy maqsadin –
shu deb biladi.

Vatanin asraydi
har qarichini,
Ko'zga surtadi
zar tuprog'ini.
Kelajagin qurar qilib
mustahkam,
Vatanning qadriga
yetgan bo'lmas kam.

**Fotima NORMAMATOVA,
Xorazm viloyati, Qo'shko'pir tumani
1-ayrim fanlar chuqur o'rganiladigan
ixtisoslashtirilgan maktab-internatining
7-«A» sinf o'quvchisi**

KIMDA BO'LSA IQTIDOR, BAXT-U IQBOL UNGA YOR...

Bu maqolni bejiz keltirmadik. Iqtidor – insonning qanoti, u odamni yuksaklarga ko'tarib, orzular sari eltadi. Bugun oralaringizda iste'dodli o'g'il-qizlar shu qadar ko'pki, ularning qay biri haqida yozishni ham bilmay qolamiz.

IMKONIYATLAR – BIZGA QANOT

Zeboxon Xolimova – Namangan viloyatining Chortoq tumanidagi 2-umumta'lim maktabining 9-sinfida tahsil oladi. Ta'lim maskanida tashkil etilgan ingliz tili, ona tili va adabiyot, tarix kabi to'garaklarga qatnash bilan birga, karving san'ati, tikuvchilik, to'quvchilik, munchoqli bezak, sun'iy gul yasash san'atini ham o'rganmoqda. Bolaligidan she'riyatga oshno bo'lgan ijodkor qiz tengdoshlari hayoti, qolaversa, mamlakatimizda bo'layotgan ijodiy o'zgarishlardan ilhomlanadi. She'rlari davriy nashrlarda tez-tez chop etiladi. Ijod namunalari maktab, tuman va shahar miqyosida o'tkaziladigan bayram tadbirlarida o'qib beradi.

Yosh ijodkorning 2016-yilda «Baxt-u iqbolim Vatani» nomli ilk kitobi nashrdan chiqdi. Zeboxon ta'lim maskanlarida o'zi kabi shoira yoki yozuvchi bo'lish niyatida yurgan o'quvchilar bilan taniqli ijodkorlarning uchrashuvlari o'tkazilayotganidan behad minnatdor.

XORAZMLIK YOSH SHOIRA

Xorazm viloyati, Qo'shko'pir tumanidagi 1-umumta'lim maktabining 7-sinf o'quvchisi Nozima Davletova ham yosh ijodkorlardan. U she'r yozishdan tashqari, sportning badiiy gimnastika turi bilan muntazam shug'ullanadi. Maktab yoshlar ittifoqining faol yetakchisi. Uning «O'zbekiston bor bo'lsin», «Hur O'zbekiston», «O'zbekimning

jasur o'g'loni» singari kitoblari nashrdan chiqqan. Rasm chizish, kitob mutolaa qilish va shaxmat o'ynash jon-u dili. Nozima ko'proq hazil she'rlar yozishni yoqtiradi. Adabiyotga bo'lgan mehrini o'z vaqtida payqagan otasi uni O'zbekiston Yozuvchilar uyushmasining Xorazm viloyat bo'limi rahbari Gavhar opa Ibodullayevaning huzuriga olib borgani hali-hanuz yodida. U yerda shoir Ollobergan Po'lat bilan bo'lgan qizg'in suhbatni maroq bilan eslaydi. «O'z ustimda ishlashni, izlanishni kanda qilmayman», deydi Nozima.

Keling, uning ijodiga ham bir nazar tashlaymiz.

TELEVIZOR

Televizor ko'rishni,
Yaxshi ko'radi ukam.
Shuning uchun darsini,
Tayyorlaydi juda kam.


Tunov kuni dars qilmay,
Ektranga qarab qoldi.
Ertasiga maktabda,
Ikki bahoni oldi.

Shu kundan qildi qaror,
O'qiydi, ko'rmas kino.
Barcha ishga ulgurar,
Oladi a'lo baho.

Bolajonlar, sizning maktabingizda ham ijodkor, iste'dodli tengdoshlaringiz borligi, shubhasiz. Ular haqida bizga, albatta, yozib yuboring. Maktublaringizni kutamiz.

Ozoda TURSUNBOYEVA

YURAKDAN JOY OLGAN IJODKOR



Borliqning be-nazir sir-sinoat-larini o'quvchiga ko'z-ko'z qilib, bola tilida bola qalbiga yetkazish, o'ynoqi so'zlarni topish baxti har qanday ijodkorga ham nasib qilavermaydi. Bolalarning sevimli shoiri Turob Yusufning she'rlarini o'qiganda, beixtiyor bolalik olamiga sho'ng'ib ketganday bo'lasis. Ko'ngil bo'stoniga sayr etgan sayin dilingiz yayraydi. Tabiat jonlanib tilga kiradi. Uyg'oq bulutlarning shivirlashi sizni chuqur o'yga toldiradi. Barcha jonzotlar bilan bemalol tillasha olasiz. So'zlarimiz quruq bo'lmasligi uchun shoirning «Uyg'oq bulutlar» she'ridan misol keltiramiz:

Yasab kema o'xshovin,
Suzib yurar bulutlar.
Ayg'ir otday tushovin,
Uzib yurar bulutlar.

Qo'zg'alar tog'-qirliklar,
Shiddatdan to'xtamaydi.
Uxlab yotar yerliklar,
Bulutlar uxlamaydi.



Yaqinda «O'zbekiston» nashriyot-matbaa ijodiy uyida shoirning «Sichqoncha sarguzashtlari» nomli she'riy to'plami chop etildi. Bolalar adabiyotini boyitishga o'zining ulkan hissasini qo'shgan Turob Yusufning rangin satrlari o'ziga xos sodda va ravon tilda yozilgan. O'ylaymizki, to'plamdan joy olgan she'rlar o'quvchilarni hech qachon befarq qoldirmaydi.

**AXTAMQULI,
O'zbekiston Yozuvchilar uyushmasi a'zosi**

Turob YUSUF

TOSHOYNAGA

Toshoynasan, ko'makka,
Eng kerak payt yaraysan.
O'zingday toshoynaga,
O'zing qachon qaraysan?



TISHLANGAN POMIDORNING DEGANI

Sherlar ham lol og'riqdan,
Tortgan achchiq na'ramga.
Endi bo'lsa, iltimos,
Tuz sepmanglar, yaramga.

SOATGA

Hisob yo'g'i – baxtsizlik,
Betinim «chiq-chiq»laysan.
Bizni mudom vaqtsizlik,
Dardidan qo'riqlaysan.



XONTAXTAGA

El yig'lsa qoshingga,
Charchog'ing ketar arb.
Yashayapsan boshingda,
Dasturxonni ko'tarib.



«UMID NIHOLLARI – 2018»

YOSHLIK BAYRAMI

Maktab o'quvchilari o'rtasidagi «Umid nihollari – 2018» sport musobaqalarining Toshkent shahar final bosqichi ko'tarinki ruhda bo'lib o'tdi.

Ta'limning o'rta bosqichida tahsil olayotgan sportsevar yoshlar badiiy gimnastika, badminton, basketbol, boks, voleybol, dzyudo, yengil atletika,

bildirilgan yuksak ishonchni to'la oqladi. Musobaqada epchil va chaqqon yigit-qizlar o'z hududi sharafini munosib himoya qildi. Bahslar yakuniga yetgach,



og'ir atletika, sport gimnastikasi, stol tennis, suzish, taekvando, futbol, shaxmat, erkin va yunon-rum kurashi, futbol kabi sportning 21 turi bo'yicha o'zaro bellashdi. E'tiborlisi, bahslarda o'quvchilar Olimpiada dasturidan o'rin olgan ko'plab sport turlari bo'yicha mahoratlarini namoyish etib, o'zlariga

«O'zbekiston» sport majmuasida «Umid nihollari – 2018» sport musobaqalarining tantanali bayram tadbiri bo'lib o'tdi. Unda so'zga chiqqanlar yurtimizda barcha jabhalar qatori sport sohasida olib borilayotgan tub islohotlar yuksak samaralar berayotganini ta'kidladilar.

Yakunda chilonzorlik sportchilar umumjamoa hisobida faxrli 1-o'rinni qo'lga kiritdi va Prezident sovg'asi – «Damas» avtomobili bilan taqdirlandi. 2- va 3-o'rinlar Yunusobod va Mirobod tumani yoshlariga nasib etdi.

«Umid nihollari – 2018» sport musobaqalarining qolgan hududlardagi final bosqichi bahslari yuqori kayfiyatda bo'lib o'tdi.

S. TURSINOV

Aziz tengdoshlar! Bilasizmi, ba'zi o'quvchilar jismoniy tarbiya darsida qatnashishni unchalik xushlamaydi. Mashg'ulotlarda sport formasini olib kelmay, ustozga turli bahonalarni ro'kach qiladi. Aslida, bu holning sababi dangasalikdir.

Ayniqsa, o'g'il bolalarga ushbu odat sira yarashmaydi. Bundaylar kun kelib, uyaliq qolishi tayin.

XATOSINI TUSHUNDI

Sanjar ham ana shunday dangasa o'quvchilardan edi. Ammo, bir kuni sinfxonada do'stlari bir-birlariga musobaqalarda olgan medal va faxriy yorliqlarini ko'rsatayotib, chekkada turgan Sanjardan «Sen-chi, nega jimsan, nima uchun sport bilan shug'ullanmaysan?» deb uni izza qilibdi. O'g'il bolaga nimjonlik, erinchoqlik yarashmaydi, deya biroz ustidan ham kulishibdi. U uyga bori-shi bilan oyisiga bo'lgan voqeani aytib beribdi. Shunda onasi:

– Do'stlaring to'g'ri aytibdi. Sen na jismoniy

tarbiya darsiga qatnashasan, na biror uy yumshlariga qarashasan. Axir o'g'il bola baquvvat, harakatchan bo'lishi zarur, – debdi.

Shu kundan boshlab Sanjar jismoniy tarbiya darsida faol qatnashishni odat qildi. Do'stlari bilan birga sport klubiga a'zo bo'ldi. U sinfdagi eng faol, tirishqoq o'quvchiga aylandi.

Shahina ILHOMOVA, Toshkent shahar, Yunusobod tumanidagi 17-umumta'lim maktabining 5-«Z» sinf o'quvchisi

SPORTCHILARIMIZ G'ALABASI

Armaniston poytaxti Yerevan shahrida ilk bor Ararat kubogi o'tkazildi. Musobaqa doirasida jahon an'anaviy Karate-do Federatsiyasi Prezidenti, 8 DAN qora belbog' sohibi Vladimir Kvichinskiy tomonidan 3 kunlik o'quv-seminari o'tkazildi.

Ikki kun davom etgan bahslarda O'zbekiston, Armaniston, Isroil, Eron, Polsha, Rossiya va Moldova davlatlaridan sportchilar qatnashdi.

Jami 1000 nafarga yaqin sportchi orasida O'zbekiston terma jamoa a'zolari 12 kishilik tarkibda ishtirok etdi. Hamyurtimiz Zarif Boltayev hakam sifatida bahslarni baholab bordi.

Quvonarlisi, jamoaviy kumite bahslarida Umed Radjabov, Shahzod Meliqulov va Bobur Xudoynazarov 3-o'rinni egalladi. Enbu bahslarida esa Sh.Meliqulov va Bobur Xudoynazarov 2-o'ringa sazovor bo'ldi.

O'zbekiston Respublikasi IIV 1-Toshkent akademik litseyi o'quvchisi Shahlo Po'latova kumite bahslarida 3-o'rinni qo'lga kiritdi. Samarqand viloyati, Urgut tuman BO'SM tarbiyalanuvchisi E'zoza O'sarova esa kata bahslarida 2-o'ringa loyiq topildi.



Shohruh MUSAYEV

KUY-QO'SHIQQA TO'LSIN, BOLALIK!

«Oyijon, oyijon-ey, Boshginam og'riydi-yo...»

Kovushim, jon kovushim, Bog'larni kezgan kovushim...

Yuqoridagi satrlar bilan boshlanuvchi diltortar qo'shiqlarni zavq bilan ijro etayotgan qizaloqlarga qarab, beixtiyor Siz ham birga xirgoyi qilginez keladi. Axir, bugun bayram, katta tomosha. 1-iyun – «Xalqaro bolalarni himoya qilish kuni» munosabati bilan tashkil etilgan telemarafonda faol ishtirok etayotgan qahramonlarimizning quvonchi cheksiz. «Gavhar» nomli folklor ansambllning raqqosa qizlari bu kabi qo'shiq va raqslarni ustozlari Zilola opa Karimovadan o'rgangan. Fursatdan foydalanib, Toshkent viloyati, Bo'ka tumanidagi 15-«Mehribonlik uyi» tarbiyalanuvchilaridan tashkil



haqida gapirib berdi. Sevinch Jo'rayevani esa ustoz «shoira qizim» deb tanishtirdi. Uning she'riy mashqlarini tinglab, bejizga bu qalbidaryo, san'atsevar qizlar davrasiga oshiqmaganimizni angladik. Bir-biridan quvnoq, iste'dodli qizlar esa bayram

topgan dasta a'zolari bilan yaqindan tanishdik. Umida Boltaboyeva ke-lajakda raqqosa bo'lishni orzu qil-ar ekan. Angelina Dubova esa raqs harakatlarini aniq bajarishda sport to'garaklarida bajaradigan mashqlari qo'l kelishini aytdi. Nozima Tojiboyeva, Malika Saydullayeva, Laylo Sharifullina kitob o'qishni yaxshi ko'rishi

bahona poytaxtga kelganliklaridan, qolaversa, gazetamiz qahramoniga aylanganliklaridan benihoya xursand edi.

Tilagimiz, Vatani va ustozlar mehri-ga suyanib yashayotgan bu o'quvchilar qatori yurtimizdagi har bir bolaning ko'ngli butun, quvonchi cheksiz bo'lsin!

Sayyora QODIROVA



BO'SH O'TIRMAY, BOSH QOTIR!

Aylanma skanvord javoblarini topib hal etgandan so'ng, chizmaning o'rtasidagi raqamlarni javoblar yozilgan raqamli xonalardagi harflar bilan almashtirish orqali muammonomani hal eting. Bunda ulardan bolalik madhi etilgan o'zbek xalq maqollaridan uchtasini bilib olasiz.

****	****	****	****	2	3	****	****	****	****	****	****	****										
1	Danakil ho'l meva	To'rt misralli she'r	O'zbek mumtoz shoiri	Uchish apparati	Habib ... (bolalar shoiri)	Qashqadaryo viloyati tumani	Sut mahsuloti	4	Kemiruvchi	7	Viloyat markazi	9										
5	Uzunoyoq qush	8	<h3>Maqollarda bolalik madhi</h3>						9	10	11	Teng natijali o'yin	11	Ish unumi	13	Vengriya avtomarkasi						
10	Xamirli taom	12							14	17	12	1	16	9	7	15	1	16	9	*	11	16
12	Tomonlarni ko'rsatuvchi asbob	14							17	12	1	*	5	4	15	11	*	5	1	15	11	16
14	Sport o'yini	5							4	15	11	*	4	1	15	11	16	1	16	9	*	3
14	Bahor ayyomi	15	16	1	16	9	*	12	14	17	12	1	*	15	4	11	13					
15	Ip o'rami	"... va Dimna" (asar)	Mo'jaz hajviy asar	Aniq fan	Yapon milliy libosi	16	O'zbek mumtoz shoirasi	17	Kasbga oid nashr	13	13	13	13	13	13	13	13					

Tuzuvchi: Foziljon ORIPOV